

সিডনীতে ২০১০ সনের দুর্গা পূজা উৎসব

কর্ণফুলী রিপোর্ট

গত ১৬ই অক্টোবর শনিবার সিডনীস্থ বাংলাদেশী প্রবাসী হিন্দুরা তাদের প্রধান ধর্মীয় উৎসব ‘দুর্গা পূজা’ পালন করেন। বাংলাদেশী হিন্দুদের প্রানের সংগঠন ‘বাংলাদেশ সোসাইটি ফর পূজা এন্ড কালচার’ (বি.এস.পি.সি) এর উদ্যোগে সিডনীর পশ্চিমে অবস্থিত এলাকা ওয়েন্টওয়ার্থভীলের একটি বৃহদকারের কমিউনিটি হলে দিনভর উক্ত পূজা অনুষ্ঠিত হয়।

সকাল নটা থেকে রাত দশটা অবদি এই উৎসব চলে। বৃহত্তর সিডনীর বিভিন্নাঞ্চল থেকে হাজার হাজার হিন্দু ও আগ্রহী দর্শনার্থীরা উক্ত পূজা দেখতে আসেন। প্রবাসে থেকে দেশীয় আমেজে সকলে পূজোর দিনটি উপভোগ করেন। প্রতিমায় অঞ্জলি দেয়া থেকে শুরু করে শিশুদের জন্যে অঙ্কন প্রতিযোগীতা এবং সন্ধ্যায় সাংস্কৃতিক অনুষ্ঠান, সবী ছিল। আর তাছাড়া আগত পূজারীদের জন্যে দুপুরের এবং রাতের জন্যে ছিল সুস্বাদু নিরামিষ ভোজ। কোন কিছুর অভাব ছিলনা। পূজোর সাংস্কৃতিক অনুষ্ঠানটি ছিল অত্যন্ত মনোরম ও আনন্দদায়ক। বিশেষ করে মহীষাশুর মর্দিনী গীতিনৃত্য নাট্যটি ছিল অপূর্ব। উক্ত গীতিনাট্যটি পরিচালনা করেছিলেন নির্মল চন্দ্রবর্তী। নবপ্রজন্মের প্রতিশ্রুতিশীল বালিকা তিখন পালের পরিচালনায় মনোমুগ্ধকর কয়েকটি নৃত্য দর্শকদের হৃদয় কেড়েছে।

প্রায় দীর্ঘ পনের বছর ধরে বি.এস.পি.সি সিডনীতে তাদের বিভিন্ন পূজা, আর্চনা ও সাংস্কৃতিক অনুষ্ঠান করে যাচ্ছে। আর সে জন্যে আছে অনেকের কঠোর পরিশ্রম ও অবদান। তাদের বেশ কয়েকজনের নাম উল্লেখ না করলেই নয়। যেমন: ডঃ সুধীর লোদ যিনি প্রতিবছরেই পূজোর সকল প্রসাদ ও আনুষঙ্গিক খাওয়াগুলো রান্না করে থাকেন। তাকে এবার সার্বিক সহযোগীতা করেছেন ডঃ নারায়ন দাশ, সুশোভন দাশ, লিটু পোদ্দার এবং আরো অনেকে। সাংস্কৃতিক দিক গুলো বরাবরই দেখেন নির্মল চৌধুরী এবং তার কয়েকজন সহযোগী। সংগঠনের কর্মকতা ও সহযোগীদের মধ্যে আছেন নির্মল পাল, সলিসিটর নির্মল্য তালুকদার, মৃগাল দে, বিকাশ নন্দি, ডঃ স্বপন পাল, ডঃ স্বপন দে, সুবল চৌধুরী, রতন কুন্ডু, সুরজিৎ রায়, শ্রীমতি রত্না হোড়, ডাঃ রমা দে এবং আরো অনেকে।

বি.এস.পি.সি পুনরায় একই স্থানে আগামী ৬ই নভেম্বর শনিবার সন্ধ্যে ৬.৩০টায় উদযাপন করতে যাচ্ছেন শ্রী শ্রী শ্যামা পূজা। [শ্যামা পূজোর বিস্তারিত দেখার জন্যে এখানে টোকা মারুন]

বি.এস.পি.সি’র ২০১০ সনের দুর্গা পূজোর ছবি গুলো দেখতে নীচের ঘরগুলোতে টোকা মারুন

ঘর # ১

ঘর # ২

ঘর # ৩